

Komisija za izbor najpovoljnijeg ponuđača za dodjelu okvirnog sporazuma za izvođenje radova na održavanju kišne kanalizacije na području Grada Zenica, po provedenom otvorenom postupku, a u skladu sa članom 65. Zakona o javnim nabavkama („Službeni glasnik BiH, br. 39/14, 59/22), donosi:

Broj: 11-11-5313-9/23
Zenica, 22.05.2023. godine

ZAPISNIK
o ocjeni ponuda za izvođenje radova na održavanju kišne kanalizacije na području grada Zenica

Sastanak je održan 22.05.2023. godine, u prostorijama Grada Zenica, Služba kabineta Gradonačelnika, kancelarija 315 - III sprat, sa početkom u 08:00 sati.

I

Komisija konstatuje da je za izvođenje radova na održavanju kišne kanalizacije na području grada Zenica, po provedenom otvorenom postupku izvršeno javno otvaranje ponuda dana 18.05.2023. godine u 11:00 sati, što je i konstatovano Zapisnikom sa otvaranja ponuda.

Nakon izvršenog otvaranja ponuda Komisija je pristupila analizi dokumentacije priložene uz ponudu. Provjera njene validnosti vršena je s obzirom na iskazane zahtjeve Ugovornog organa u otvorenom postupku, broj: 11-11-5313-8/23, a u skladu sa procedurama i pravilima utvrđenim Zakonom o javnim nabavkama („Službeni glasnik BiH“, broj: 39/14, 59/22), odnosno pripadajućim podzakonskim aktima, Poslovníkom o radu komisije, broj: 11-11-5313/23 od dana 21.03.2023. godine.

II

Tendersku dokumentaciju sa portala javnih nabavki su preuzeli:

- 1 GRADNJA-1 TEŠANJ D.O.O
- 2 DERBY TRADE D.O.O.
- 3 GRAMAT D.O.O
- 4 ROADING D.O.O.
- 5 EKAPIJA DOO
- 6 DUST COMPANY D.O.O.
- 7 ASKOP D.O.O.
- 8 ŠPICBETON D.O.O. ZENICA
- 9 ALMY-TRANSPORT DOO
- 10 BN TRANSPORT DOO
- 11 BBS EUROPE
- 12 KONTROL INSPEKT D.O.O BEOGRAD
- 13 BUJICE DOO KONJIC
- 14 DŽEVKOMERC INŽINJERING D.O.O. ZAVIDOVIĆI
- 15 REGENERACIJA D.O.O.
- 16 ATLAS-D D.O.O.
- 17 TED INVEST
- 18 KOMGRAD-ZE D.O.O.

19 FLEX INVEST D.O.O
20 POROBIC DOO
21 MGV GRADNJA DOO
22 ALMY D.O.O. ZENICA
23 D.O.O. "GEO-PUT"

Komisija je konstatovala da su blagovremeno dostavljene ponude ponuđača i to:

1. Konzorcij: „DUST COMPANY“ d.o.o. Zenica i „KOMGRAD-ZE“ d.o.o. Zenica

III

Ponuđač je dužan u svrhu dokazivanja lične sposobnosti dokazati da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu (kod nadležnog organa: notar ili općinski/gradski organ uprave) izjavu koja je sastavni dio tenderske dokumentacije. Izjava ne smije biti starija od 15 (petnaest) dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

U slučaju da se u ponudi ne dostave navedeni dokumenti u vezi sa ličnom sposobnosti ponuđača (član 45. Zakona) ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze.

Dokaze o ispunjavanju uslova je dužan dostaviti u roku od 5 dana, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida.

U svrhu dokazivanja prava na obavljanje profesionalne djelatnosti, u skladu sa članom 46. Zakona, ponuđači trebaju u ponudi dostaviti dokaz o registraciji u odgovarajućim profesionalnim ili drugim registrima zemlje u kojoj su registrirani ili da osiguraju posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost koja je u vezi sa predmetom nabavke.

- za ponuđače iz BiH koji su privredna društva / pravna lica: aktuelni izvod iz sudskog registra, original ili ovjerena kopija. Aktuelni izvod iz sudskog registra mora sadržavati sve podatke za koje je, prema važećim propisima o registraciji, propisano da ih takav dokument sadrži
- za ponuđače iz BiH koji su fizička lica / obrtnici - preduzetnici: odgovarajući dokument o registraciji izdat od nadležnog organa, prema važećim propisima o obrtnicima / preduzetnicima, original ili ovjerena kopija. Dokument o registraciji mora biti dostavljen u osnovnom tekstu, sa svim eventualnim izmjenama i dopunama.
- za ponuđače čije je sjedište izvan BiH: odgovarajući dokument koji odgovara zahtjevu iz člana 46. Zakona, a koji je izdat od nadležnog organa, original ili ovjerena kopija, prema važećim propisima zemlje sjedišta ponuđača / zemlje u kojoj je registriran ponuđač

Dokumenti iz prethodnih stavaka priznaju se na teritoriji Bosne i Hercegovine, bez obzira na kojem nivou vlasti su izdati.

U slučaju da se u ponudi ne dostave navedeni dokumenti u vezi sa sposobnosti obavljanja profesionalne djelatnosti ponuđača (član 46. Zakona) ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju.

Da je tehnički i profesionalno sposoban za realizaciju predmetnog ugovora i to:

- I. Uspješno iskustvo, u realizaciji najmanje jednog ili više ugovora čija vrijednost kumulativno daje iznos procijenjene vrijednosti, a čiji je karakter i kompleksnost isti ili slični onima koje se odnose na predmetnu nabavku u predhodnih 5 (pet) godina.
- II. Izjavu kandidata/ponuđača da prihvata preduzimanje mjera upravljanja zaštitom okoline i mjera energetske efikasnosti koje će privredni subjekat primjenjivati prilikom izvođenja radova.

U svrhu dokazivanja tehničke i profesionalne sposobnosti ponuđač je dužan dostaviti:

- I. spisak izvršenih ugovora, izdat od strane ponuđača, u skladu s članom 48. stav (2) ovog zakona, a koji su u vezi s predmetnom nabavkom, za period ne duži od 5 (pet) godina ili od datuma registracije, odnosno početka poslovanja, ako je kandidat/ponuđač registriran, odnosno počeo s radom prije manje od pet godina, sa potvrđama o uredno izvedenim radovima.

Potvrda o uredno izvedenim radovima, original ili ovjerena kopija, izdata od naručioca radova, mora sadržavati slijedeće podatke:

- Naziv i sjedište ugovornih strana ili privrednih subjekata;
- Predmet ugovora;
- vrijednost ugovora;
- vrijeme i mjesto izvršenja ugovora;
- navode o uredno izvršenim ugovorima.

II. izjavu kandidata/ponuđača da prihvata preduzimanje mjera upravljanja zaštitom okoline i mjera energetske efikasnosti koje će privredni subjekat primjenjivati prilikom izvođenja radova. (Aneks IV)

U slučaju da se u ponudi ne dostave navedeni dokumenti u vezi sa tehničkom i profesionalnom sposobnosti ponuđača (član 51. Zakona) ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju.

U slučaju da ponude dostavljaju grupe ponuđača:

Dokumenti koji su navedeni pod tačkom 3.1. (lična sposobnost) i tačkom 3.2. (sposobnost obavljanja profesionalne djelatnosti) ove tenderske dokumentacije moraju se posebno dostaviti / pripremiti za svakog člana grupe ponuđača.

Članovi grupe ponuđača mogu dostaviti jedan set / paket:

dokumenata koji su navedeni u tački 3.3. (tehnička i profesionalna sposobnost) ove tenderske dokumentacije.

IV

Komisija konstatuje da ponuda ponuđača ispunjava uslove koji su zahtijevani u tenderskoj dokumentaciji, a što dokazuju slijedećim:

Konzorcij: „DUST COMPANY“ d.o.o. Zenica i „KOMGRAD-ZE“ d.o.o. Zenica su dostavili sljedeća dokumenta:

- Sadržaj ponude,
- Konzorcijalni ugovor, broj: 001-01/23 od 10.05.2023. godine zaključen između „DUST COMPANY“ d.o.o. Zenica i „KOMGRAD-ZE“ d.o.o. Zenica,
- Ovlaštenje u ime lica Anes Zukić, od 10.05.2023. godine
- Osnovni podaci o grupi ponuđača,
- Obrazac za ponudu, popunjen u skladu sa Aneksom I;
- Obrazac za cijenu ponude, popunjen u skladu sa Aneksom II;
- Izjava ponuđača „DUST COMPANY“ d.o.o. Zenica iz člana 45. Zakona o javnim nabavkama, popunjenu u skladu sa Aneksom III, ovjerena kod notara Marinko Terzić, dana 15.05.2023. godine;
- Izjava ponuđača „KOMGRAD-ZE“ d.o.o. Zenica iz člana 45. Zakona o javnim nabavkama, popunjenu u skladu sa Aneksom III, ovjerena kod notara Admir Živojević, dana 09.05.2023. godine;
- Aktuelni izvod iz sudskog registra „DUST COMPANY“ d.o.o. Zenica broj: 043-0-RegZ-23-001023 od 17.04.2023. godine, ovjeren kod notara Marinko Terzić, dana 15.05.2023. godine;

Aktuelni izvod iz sudskog registra „KOMGRAD-ZE“ d.o.o. Zenica broj: 043-0-RegZ-23-000326 od 07.03.2023. godine, ovjeren kod notara Admir Živojević, dana 09.05.2023. godine;

Spisak izvršenih ugovora,

Potvrda JU Kantonalna bolnica Zenica, broj: 32-04-2804/22 od 13.04.2022. godine o uredno izvršenom ugovoru, ovjerena kod notara Marinko Terzić, dana 15.05.2023. godine;

Potvrda JU Kantonalna bolnica Zenica, broj: 22-04-3547-1/23 od 08.05.2023. godine o uredno izvršenom ugovoru, ovjerena kod notara Marinko Terzić, dana 15.05.2023. godine;

Potvrda „NATRON-HAYAT“ d.o.o. Maglaj, broj: AB-008-03-03/2023 od 03.03.2023. godine o uredno izvršenom ugovoru, ovjerena kod notara Marinko Terzić, dana 15.05.2023. godine;

Spisak izvršenih ugovora,

Potvrda Općine Travnik, broj: 01-04-21-18-1496/22 od 09.06.2023. godine, u uspješno realizovanom ugovoru, ovjeren kod notara Admir Živojević, dana 09.05.2023. godine;

Izjava ponuđača „DUST COMPANY“ d.o.o. Zenica iz člana 51. Zakona o javnim nabavkama, popunjenu u skladu sa Aneksom IV,

Izjava ponuđača „KOMGRAD-ZE“ d.o.o. Zenica iz člana 51. Zakona o javnim nabavkama, popunjenu u skladu sa Aneksom IV,

Izjava ponuđača „DUST COMPANY“ d.o.o. Zenica iz člana 52. Zakona o javnim nabavkama, popunjenu u skladu sa Aneksom V, ovjerena kod notara Marinko Terzić, dana 15.05.2023. godine;

Izjava ponuđača „KOMGRAD-ZE“ d.o.o. Zenica iz člana 52. Zakona o javnim nabavkama, popunjenu u skladu sa Aneksom V, ovjerena kod notara Admir Živojević, dana 09.05.2023. godine;

Izjava o podugovaranju, od dana 15.05.2023. godine,

Izjava o roku izvođenja radova, od dana 15.05.2023. godine,

Izjava o mjestu izvođenja radova, od dana 15.05.2023. godine,

Izjava o roku, načinu i uslovima plaćanja, od dana 15.05.2023. godine,

Izjava o garanciji na izvršene radove, od dana 15.05.2023. godine,

Izjava o period važenja ponude, od dana 15.05.2023. godine,

Obrazac za povjerljive informacije u skladu sa Aneksom V;

Nacrt Okvirnog sporazuma, nije popunjen u skladu sa Aneksom VII.

V

Ugovor se dodjeljuje ponuđaču koji je ponudio najnižu cijenu tehnički zadovoljavajuće ponude.

1. cijena..... 100%

Ugovor se dodjeljuje ponuđaču koji je dobio najviši ukupan broj bodova.

Metodologija vrednovanja kriterija je kako slijedi:

Cijena

-maksimalan broj bodova100 dodjelit će se ponuđaču koji je predložio najmanju bruto cijenu. Drugi ponuđač će u skladu sa tim dobiti niži broj bodova prema sljedećoj formuli:

P- broj bodova koji je ponuđač dobio za ponuđenu cijenu

$$P = \frac{Pl}{Pt} \times 100$$

Pri čemu je:

Pl - najniža cijena koja je ponuđena u postupku nabavke

Pt - je cijena koja je predložena u ponudi koja je predmet ocjene

100 - maksimalan broj bodova koji je dodijeljen ponuđaču koji je ponudio najnižu cijenu.

VI

Ponuda za izvođenje radova na održavanju kišne kanalizacije na području grada Zenica je bodovana kako slijedi:

R.B.	Naziv ponuđača	Cijena u KM bez PDV-a	Bodovi
1.	Grupa ponuđača „DUST COMPANY“ d.o.o. Zenica i „KOMGRAD-ZE“ d.o.o. Zenica	76.848,00 KM	100

Na osnovu tabele konačnog rangiranja prema kriteriju koji je naveden u Poslovniku i Tenderskoj dokumentaciji, te detaljnog uvida u predočenu ponudu za izvođenje radova na održavanju kišne kanalizacije na području grada Zenica, Komisija je konstatovala da je grupa ponuđača „DUST COMPANY“ d.o.o. Zenica i „KOMGRAD-ZE“ d.o.o. Zenica najbolje rangirani ponuđači, te daje preporuku Ugovornom organu da sa njim zaključi Okvirni sporazum.

KOMISIJA:

1. Emira Dajić Alić, predsjedavajući
2. Amir Subašić, član
3. Husejid Sinanović, član

POTPIS:

